



Acompáñame tamén na fe cara á esperanza

Xoaquín Campo Freire

Presentamos, para empezar esta sección, dúas personaxes, vencelladas entre si moi fugazmente no tempo, mais que deixan entrever utopías moi similares na loita por un mundo máis xusto.

Paulino Pérez-Mendaña y Goyanes, desde a Medicina, o sindicalismo, a afiliación política en Esquerda Galega, a colaboración directa en proxectos de cooperación para o desenvolvemento dos pobos do terceiro mundo, de compromiso coa súa fe cristiá como motor principal da súa acción. **Andrés Simón Lorda**, desde a filosofía dos valores, o intento de explicación e interpretación do mundo de hoxe e os seus problemas desde o amor e a xustiza, sempre co Deus de Xesús Cristo ó fondo.

A morte prematura de ámbolos dous, por infarto e accidente respectivamente, supuxo unha perda grande para os seus e para a nosa Terra. Dicían en Pontedeume no enterro de Paulino: “A túa utopía, continuarémola nós”.

Recibín a seguinte carta de Andrés Simón Lorda cando a morte de Paulino. Foi un acompañamento non só no sentimento. ¡Canto lla agradecín! A moitos, con Paulino, morríanos moito. Neste testemuño sincero de solidariedade por parte de Andrés, polo menos eu, recibín alentos para a esperanza.

E neles, sen entrar en máis detalles, quero centrar a *nosa* experiencia revivida nestes últimos tempos.